

新春诗会

初春普陀山居

□智宗

春到禅林花满枝,香风拂动玉阶时。
休言此地多芳草,惟恐王孙去也迟。

甲辰除夕
得友人寄诗

□詹亚园

十年交谊爱多才,千首诗成亦快哉。
已识灵蛇今夜至,何须梦得探囊来。

乙巳春节

□朱红萍

寒梅月影映帘梳,暖鹊啼春望碧空。
爆竹辞年年岁老,屠苏迎客客颜红。
又闻曾祖念朱子,且喜蒙童效孔融。
莫叹人生如逝水,同堂四代一家隆。

春会

□唐正明

莲花洋上波光迭,潮拥麒麟山崑彻。
高树临风曜色亲,长堤逐浪涛声悦。
谈天望海感阳开,席地吟梅叹兴热。
不惧岁寒同放歌,烟花总把新春揭。

春访老山界

□虞卓煌

雄峙华南五岭巅,龙潭瑶水气腾仙。
春林翠湿千寻路,风壑锵鸣七彩泉。
踏雨一筇登石槛,向天三尺拂云烟。
依稀火把排之字,默意英魂苍壁前。

除夕守岁

□张彪

曾经旧事叹都空,放眼凡间欲念雄。
除夕团圆游子愿,新年絮语故乡风。
烧蒸夜饭合家福,飞舞金蛇举世功。
热爱成全千百业,扬蹄老骥怕匆匆。

回乡过年

□黄保邦

舟行车转步匆忙,水阔山重归故乡。
除夕团圆烟火旺,满屏尽晒菜肴香。

小干岛观烟花

□林斌

海面飞腾烟焰影,浮光点点亮龙鳞。
孺童稚子皆欢笑,少妇婆翁共乐津。
喜庆之时尤念旧,团圆佳节倍思亲。
万民祥瑞贺新岁,虽有寒风已是春。

沁园春·乙巳元宵感怀(苏轼体)

□邵明尧

时月悠悠,转眼沧桑,又及上元。见踏灯人海,斓街熠熠,观光廛市,趋履姗姗。水静星沉,山幽林默,未晓凡尘多少欢。何其乐,引平民豪贵,各自如年。汤圆寄望心田。恰骀荡、春妆桃李颜。念四千书卷,三生石愿,对空河汉,落地神仙。古圣今贤,难离烟火,不吝双眸凌下看。惊回首,盼唐风宋韵,酒醉尊前。

人月圆·乙巳迎春

□王骏涛

残年将近光阴速,爆竹促春萌。庭梅初绽,门符又换,万象迁更。两支画烛,数尊玉液,几曲瑶箏。共迎新岁,同期来日,所愿都成。

沁园春·光霁堂渝梅初妍念马丕五陶

□孙和军

草堂渝梅,前后两株,一曰君寿,一曰燕隐。华月临近,次第绽颜。吾居草堂,日日探梅,光霁堂匾有“嗟颂”之联,奉友之约,填词沁园春。

枝头苞红,廊间檐黄,笔端字荒。问低眉折骨,介溪允否?椿卿然否?昼仲酌量?风度三陶,岂曰穷尽,天下先春谁暗香?悄思罢,诉浅姿万点,尤恋山乡。当年久寓平常,南风信、恭积俩隐蔽。看茅巢山海,绽开绚烂,墨耕胸壑,蓑雨晴阳。梦坠罗浮,候应时占,拱手捉一缕亮光。趁未落,谢难消荏苒,且任君翔。

沁园春·红梅迎春

□章芝君

江南风光,水秀山清,碧海蓝天。望长堤内外,霜芦白鹭;小桥上下,烟柳清泉。古道悠悠,渔舟唱晚,一派祥和入眼前。迎春意,看红妆点点,独领人间。江山几许艰难。引无数、英雄谱巨篇。忆峥嵘岁月,黄河咆哮;凌寒梅骨,星火齐燃。盛世龙腾,春光正好,更待花开遍九原。心澎湃,愿国民安泰,岁岁年年。

踏莎行·除夕(新韵)

□周晓红

犹记昨天,寻梅江畔,东西院落声声唤。有朋结伴踏春忙,一山更向一山看。璀璨烟花,烟花璀璨。满城尽见流光漫。时年岁去老弗觉,诗丛乱把诗心探。

鹧鸪天·乙巳新春初上黄杨尖

□包和龙

千里逶迤一峙雄,海天尽入画图中。雾侵星岛留仙迹,烟绕云廊隐卧龙。歌盛世,啸长空,洒金余日满江红。何当续写鹏鹏约,再与东君唱大风。

行香子·探春

□彭红

春已归来,拾步山阶。风吹过、燕绕亭台。枝柔叶嫩,未惹尘埃。盼雨光滋,烟光染,晴光裁。参差草长,次第花开。幽香起、浓淡萦怀。芳菲一片,尽入诗材。写梨花肌,桃花面,杏花腮。

春潮

□周海鸟

燕报春潮汛,风衔比翼枝。
百鱼闻节气,万棹待今时。

迎新春(新韵)

□童超益

鼓乐欢腾春意浓,烟花雀跃贺新冬。
谁家小院团圆夜,对酒邀歌笑语融。

初一与儿孙
游旧山川感怀

□老骥

昔日山川树依旧,今朝兴起又来游。
携孙带子观幽石,入谷登山望远舟。
岁月无情吾老矣,江山有待孰高流。
会城滚滚寒涛白,为此停车一逗留。

春日寻梅

□缪海平

有梦悠然可是真。随风好去访香邻。
千枝白雪层层洁,一路红云处处新。
影入潭中化疏影,人吟树下作痴人。
何妨置酒花前坐,相约梅卿共饮春。

咏春

□陈斌

春临大地物华新,暖日和风拂世尘。
柳眼初开含晓露,桃腮欲绽映芳辰。
燕归旧巷寻佳处,蝶舞幽丛觅艳邻。
最喜山川添秀色,生香满径醉游人。

岛城年味

□张燕红

千帆云集港,年味岛城浓。
鱼鲞晒晴院,黏糕揉晓冬。
闻香闲鸟啄,弄色小儿从。
梅蕊墙边破,一枝春又逢。

除夕索诗行

□王立

忽逢除夕索诗时,穿越千年访故知。
苍水船寒霜剑冷,山人笔劲雪笺痴。
翰林墨舞风雷动,隐士琴收北斗移。
一枕黄粱惊岁晚,惟留爆竹闹空枝。

乙巳年正月初四
登云龙山望湖怀古

□徐婧轩

雾锁群山黛色新,一湖烟雨接天垠。
沉沙戟冷项王迹,放鹤亭空苏子尘。
石洞犹闻呼酒语,松涛似卷汉城春。
遍寻芒碭云龙气,唯见寒梅俏古津。

插梅(新韵)

□魏坤璋

窗外数梅绽,折枝欲借春。
香来清静里,韵在寂寥辰。
冰骨凭风剪,寒姿任我矜。
瓶中三五朵,淡雅弄情真。

乙巳立春

□夏修建

帘开霜色动轻尘,诗酒余生梦未贫。
如黛群山寒气袅,窗前已露一枝春

过年感怀(古风)

□许成国

六十流年倏忽过,愧叹生命一倏忽。
雨寒难辨日光影,梅冷怎堪霜雪中。
定海山前古城堞,茶山浦上别苑风。
若还人世好时节,且待春潮煦日红。

卜算子·悬山岛

□沈宽宴

五办乐阳生,春意冬时闹。水岙山门舟路弯,归客相逢笑。彩画出新墙,美景依斜道。坐忘涛声凭海风,岛静渔村小。